#### ЎЗБЕКИСТОН РЕСПУБЛИКАСИ ВАЗИРЛАР МАХКАМАСИНИНГ КАРОРИ

# 236 Ўзбекистон Республикаси Интеллектуал мулк агентлиги фаолиятини ташкил этиш чора-тадбирлари тўгрисида

Ўзбекистон Республикаси Президентининг «Ўзбекистон Республикасининг Интеллектуал мулк агентлигини ташкил этиш тўгрисида» 2011 йил 24 майдаги ПҚ−1536-сон қарорини бажариш юзасидан Вазирлар Маҳкамаси **қарор қилади:** 

- 1. Ўзбекистон Республикаси Интеллектуал мулк агентлиги тўгрисидаги низом 1-иловага мувофик тасдиклансин.
- 2. Қуйидагилар Ўзбекистон Республикаси Интеллектуал мулк агентлиги фаолиятини молиялаштиришнинг асосий манбалари этиб белгилансин:

Узбекистон Республикаси Давлат бюджети маблаглари;

патент божлари, асарларни ва турдош хукуқлар объектларини руйхатдан утказганлик учун тулов тушумлари хисобига қонун хужжатларида белгиланган тартибда шакллантириладиган бюджетдан ташқари маблағлар, шунингдек қонун хужжатларида тақиқланмаган бошқа манбалар.

- 3. Ўзбекистон Республикаси Давлат патент идораси хузуридаги «Патент-Пресс» шуъба корхонаси белгиланган тартибда Ўзбекистон Республикаси Интеллектуал мулк агентлиги хузуридаги «Intellekt Ekspert» давлат унитар корхонасига айлантирилсин.
- 4. Ўзбекистон Республикаси Хукуматининг 2-иловага мувофиқ айрим қарорлари ўз кучини йўқотган деб хисоблансин.
- 5. Ўзбекистон Республикаси Интеллектуал мулк агентлиги Адлия вазирлиги ҳамда манфаатдор вазирликлар ва идоралар билан биргаликда бир ой муддатда:

қонун ҳужжатларига ушбу қарордан келиб чиқадиган ўзгартириш ва қўшимчалар тўгрисида таклифлар киритсин;

идоравий норматив-хукукий хужжатларни ушбу қарорга мувофиклаштирсин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Н. Арипов зиммасига юклансин.

### **У**збекистон Республикасининг Бош вазири

Ш. МИРЗИЁЕВ

Тошкент ш., 2011 йил 8 июнь, 166-сон

Вазирлар Махкамасининг 2011 йил 8 июндаги 166-сон қарорига 1-ИЛОВА

## Узбекистон Республикаси Интеллектуал мулк агентлиги тўгрисида НИЗОМ

#### І. Умумий қоидалар

- 1. Ушбу Низом Ӱзбекистон Республикаси Интеллектуал мулк агентлигининг (кейинги ўринларда Агентлик деб аталади) асосий вазифалари, функциялари, хукуклари, жавобгарлигини ва фаолиятининг ташкилий масалаларини белгилайди.
- 2. Агентлик интеллектуал мулк объектларини хукукий мухофаза килиш ва уларга булган хукукларни химоя килиш сохасидаги ягона давлат сиёсати амалга оширилишини таъминловчи давлат бошкаруви органи хисобланади.

Агентлик мулкий хуқуқларни жамоавий асосда бошқарадиган ташкилотларни давлат руйхатидан утказувчи ва уларнинг фаолиятини назорат қилувчи махсус ваколатли давлат органи хисобланади.

Агентлик ўз фаолиятида Ўзбекистон Республикаси Вазирлар Маҳкамасига ҳисобот беради.

- 3. Агентлик ўз фаолиятида Ўзбекистон Республикаси Конституцияси ва конунларига, Ўзбекистон Республикаси Олий Мажлиси палаталари карорларига, Ўзбекистон Республикаси Президентининг фармонлари, карорлари ва фармойишларига, Ўзбекистон Республикаси Вазирлар Маҳкамасининг карорлари ва фармойишларига, бошқа конун ҳужжатларига ҳамда мазкур Низомга амал қилади.
- 4. Агентлик ўз фаолиятини давлат ва хўжалик бошқарувининг бошка органлари, махаллий давлат хокимияти органлари, нодавлат нотижорат ташкилотлар ва бошқа ташкилотлар билан ўзаро хамкорликда амалга оширади.
- 5. Қуйидагилар Агентликни молиялаштиришнинг асосий манбалари хисобланади:

Ўзбекистон Республикаси Давлат бюджети маблаглари;

патент божлари, асарларни ва турдош хукуклар объектларини руйхатдан утказганлик учун тулов тушумлари хисобига конун хужжатларида белгиланган тартибда шакллантириладиган бюджетдан ташкари маблаглар, шунингдек конун хужжатларида такикланмаган бошка манбалар.

Бунда Агентлик ходимлари меҳнатига ҳақ тӱлаш харажатлари Ӱзбекистон Республикаси Давлат бюджети маблағлари ҳисобига қопланади, ходимларни моддий рағбатлантириш ва Агентликнинг жорий таъминоти бюджетдан ташқари маблағлар ҳисобига амалга оширилади.

6. Агентлик юридик шахс хисобланади, мустақил балансга, Узбекистон

Республикаси Давлат герби тасвири туширилган ва ўз номи ёзилган думалок мухрга, бошка зарур мухр ва штампларга, банк, шу жумладан валюта хисоб ракамларига эга бўлади.

#### II. Агентликнинг асосий вазифалари ва функциялари

7. Қуйидагилар Агентликнинг асосий вазифалари хисобланади:

интеллектуал мулк объектларини хуқуқий мухофаза қилиш ва уларга булган хуқуқларни химоя қилиш сохасида ягона давлат сиёсати амалга оширилишини таъминлаш, ихтиролар, саноат намуналари, фойдали моделлар, товар белгилари ва бошқа интеллектуал мулк объектларини хуқуқий мухофаза қилиш, интеллектуал мулк объектларига булган хуқуқ эгалари хуқуқларини химоя қилиш;

ихтиролар, фойдали моделлар, саноат намуналари ва бошқа интеллектуал мулк объектларини экспертизадан ҳамда давлат руйхатидан утказиш;

инновация технологиялари ва ихтироларни, илмий-техника ва саноат ишланмаларини, селекция ютукларини, бадиий-конструкторлик ва ижодиёт ишларининг бошка турларини ишлаб чикаришга кенг жорий этишга ҳар томонлама кумаклашиш;

патент ҳужжатларининг давлат фондини ва интеллектуал мулкнинг расман руйхатдан утказилган объектлари турисидаги маълумотлар базасини шакллантириш, уларни сақлаш ва улардан фойдаланиш учун шарт-шароитларни таъминлаш;

интеллектуал мулк объектларини хукукий мухофаза килиш ва уларга булган хукукларни химоя килиш тургисидаги конун хужжатлари талабларига катъий риоя этилишини катъий назорат килиш, ваколатли давлат органлари билан биргаликда контрафакт товарларнинг республика худудига ноконуний олиб кирилиши ва айланишининг олдини олиш чора-тадбирларини куришда катнашиш;

интеллектуал мулкни мухофаза қилиш соҳасида халқаро ҳамкорликни ривожлантириш;

давлат ва хужалик бошқаруви органлари, тадбиркорлик субъектлари учун интеллектуал мулк соҳасида кадрлар малакасини ошириш ва уларни қайта тайёрлаш.

8. Агентлик ўзига юкланган вазифаларни бажариш учун қуйидаги функцияларни амалга оширади:

Ўзбекистон Республикаси Вазирлар Махкамасига интеллектуал мулк объектларини хукукий мухофаза килиш ва уларга бўлган хукукларни химоя килиш сохасида давлат сиёсатини ишлаб чикиш ва такомиллаштириш бўйича таклифлар киритади хамда уларни амалга оширишда бевосита катнашади;

интеллектуал мулк объектларини хуқуқий муҳофаза қилиш ва уларга булган хуқуқларни ҳимоя қилиш соҳасидаги қонун ҳужжатларини такомиллаштириш масалалари буйича таклифлар ишлаб чиқади ҳамда куриб чиқиш

учун уларни белгиланган тартибда Ўзбекистон Республикаси Вазирлар Махкамасига такдим этади;

инновация технологиялари ва ихтиролар, илмий-техника ва саноат ишланмалари яратилишини, селекция ютуқларини, бадиий-конструкторлик ҳамда ижодиёт ишларининг бошқа турларини рағбатлантириш, уларни, шу жумладан ишлаб чиқаришни маҳаллийлаштириш ва модернизация қилиш доирасида ишлаб чиқаришга кенг жорий этишни таъминлаш буйича таклифлар ишлаб чиқади;

ихтиролар, фойдали моделлар, саноат намуналари, селекция ютуқлари, товар белгилари, хизмат курсатиш белгилари, товарларнинг келиб чиқиш жойлари номига нисбатан муҳофаза ҳужжатлари бериш юзасидан буюртманомаларни куриб чиқиш учун қабул қилади;

ихтиролар, фойдали моделлар, саноат намуналари, селекция ютуқлари, товар белгилари, хизмат кўрсатиш белгилари, товарларнинг келиб чиқиш жойлари номлари, интеграл микросхемалар топологиялари давлат экспертизасини амалга оширади, аризада кўрсатилган объектларнинг устуворлигини белгилайди;

ихтиролар, фойдали моделлар, саноат намуналари, селекция ютуклари, товар белгилари, хизмат кўрсатиш белгилари, товарларнинг келиб чикиш жойлари номларини, интеграл микросхемалар топологияларини давлат рўйхатидан ўтказади, мухофаза хужжатларини беради, Ўзбекистон Республикасидаги барчага маълум бўлган товар белгиларининг тегишли реестрларини ва Рўйхатини юритади;

Ўзбекистон Республикаси Қишлоқ ва сув хўжалиги вазирлигининг ихтисослаштирилган ташкилотлари хулосалари асосида аризада кўрсатилган селекция ютукларининг патентга лойиклик шартларига мувофиклигини белгилаш натижаларига кўра мухофаза хужжатларини бериш ёки беришни рад этиш тўгрисида қарорлар қабул қилади;

берилган буюртманомаларнинг белгиланган талабларга мувофиқлигини текшириш натижаларига кўра ихтиро, фойдали модел, саноат намунаси, товар белгиси, хизмат кўрсатиш белгиси, товарларнинг келиб чиқиш жойлари номига, интеграл микросхемалар топологияларига нисбатан мухофаза хужжатларини бериш ёки беришни рад этиш тўгрисида қарорлар қабул қилади;

мухофаза ва бошқа зарур хужжатларнинг ягона шаклларини белгилайди:

интеллектуал мулк объектларидан фойдаланишга хукуқлар бериш тўғрисидаги лицензия шартномаларини, шунингдек уларни ўзгага тўлик ёки кисман бериш хакида ёхуд уларнинг гаров хукуки тўгрисидаги шартномаларни рўйхатдан ўтказади хамда тегишли реестрларни юритади;

интеллектуал мулкнинг расман руйхатдан утказилган объектлари турисидаги маълумотлар базасини шакллантиради, уларнинг сақланиши ва фойдаланилиши учун шарт-шароитларни таъминлайди;

фан, адабиёт ва санъат асарларини, аралаш хукуклар объектларини, шунингдек аралаш хукуклар муаллифлари ва субъектларини руйхатдан ўтка-

зади, руйхатдан утказилганлиги туррисида белгиланган намунада гувохнома беради;

Узбекистон Республикаси худудида интеллектуал мулк объектларидан фойдаланадиган юридик ва жисмоний шахслар хисобини юритади;

Агентликнинг бюллетенлари ва бошқа расмий нашрларини, шунингдек интеллектуал мулк объектларини ҳуқуқий муҳофаза қилиш ҳамда уларга булган ҳуқуқларни ҳимоя қилиш масалалари буйича бошқа маълумотлар ва материалларни нашр этишни ташкил қилади ва амалга оширади;

патент буйича ваколатли ходимларни аттестациядан ва руйхатдан утказади, патент буйича ваколатли вакилларнинг давлат реестрини юритади;

мулкий хукуқларни жамовий асосда бошқарадиган ташкилотларни давлат руйхатидан утказади, уларнинг фаолиятини назорат қилади ва уларга кумаклашади;

интеллектуал мулк объектларига бўлган хукуқлар бўйича конун бузилишларига йўл кўймаслик ва бузилган хукуқларни тиклаш, интеллектуал мулк объектларидан ноконуний фойдаланишнинг олдини олиш, шу жумладан нохалол ракобатга йўл кўймаслик бўйича зарур чора-тадбирлар кўради;

интеллектуал мулк соҳасидаги ҳуқуқ бузилишларини аниқлаш ва уларнинг олдини олиш, контрафакт маҳсулотларнинг республика ҳудудига олиб кирилиши ва айланишининг олдини олиш борасида ҳуқуқни муҳофаза қилиш, божҳона, солиқ ва бошқа давлат органлари билан ҳамкорлик қилади;

интеллектуал мулк субъектлари хуқуқларини амалга оширишга кумаклашади;

патент хужжатларининг давлат фондини тўлдириш ишларини ташкил қилади ва амалга оширади, унинг сақланишини таъминлайди ва шу асосда манфаатдор ташкилотлар, мансабдор шахслар ва фукароларга кутубхона-библиография, маълумотнома-ахборот хизматлари кўрсатишни ташкил қилади;

патент-ахборот хизматлари ва бошқа хизматлар курсатганлик учун туловлар микдорини белгиланган тартибда тасдиқлайди;

интеллектуал мулк объектларидан қонунга мувофиқ фойдаланилишини белгилайди ва эксперт хулосалари беради;

интеллектуал мулк соҳасидаги фаолиятни ривожлантириш ва такомиллаштириш муаммолари буйича илмий-тадқиқот ишларини амалга оширишда қатнашади;

интеллектуал мулк объектларини яратиш ва жорий этиш, уларни хуқуқий муҳофаза қилиш ва ҳимоя қилишнинг мамлакатни ижтимоий-иқтисодий ривожлантириш учун аҳамиятини кенг ёритиш тадбирларини амалга оширади;

тадбиркорлик субъектлари, давлат ва хужалик бошқаруви мансабдор шахсларининг, кенг аҳоли қатламларининг интеллектуал мулк соҳасидаги билимлари ва ҳуқуқий саводҳонлигини ошириш чора-тадбирларини амалга

оширади, интеллектуал мулк сохасида кадрлар тайёрлаш учун ўкув-методик базанинг ривожлантирилишини таъминлайди;

интеллектуал мулк объектларини хукукий мухофаза килиш ва уларга булган хукукларни химоя килиш сохасида мутахассислар тайёрлаш ва уларнинг малакасини оширишни ташкил этади;

интеллектуал мулк объектларини хуқуқий муҳофаза қилиш ва уларга бÿлган хуқуқларни ҳимоя қилиш соҳасида манфаатдор шахсларга методик ёрдам кўрсатади;

фукаролар ва юридик шахсларнинг интеллектуал мулк объектларини хукукий мухофаза килиш ва уларга бўлган хукукларни химоя килиш масалалари бўйича ариза ва шикоятларини конун хужжатларига мувофик кўриб чикади;

интеллектуал мулк масалалари бўйича илмий анжуманлар, симпозиумлар, конференциялар, семинарлар ва бошқа тадбирларни ташкил қилади ва уларда қатнашади.

#### III. Агентликнинг халқаро фаолияти

9. Агентлик Жахон интеллектуал мулк ташкилотида ҳамда интеллектуал мулк соҳасидаги бошқа ҳалқаро ва минтақавий ташкилотларда Ўзбекистон Республикаси номидан вакиллик қилувчи ваколатли орган ҳисобланади.

#### 10. Агентлик:

интеллектуал мулк объектларини хукуқий мухофаза қилиш ва уларга булган хукуқларни химоя қилиш соҳасида халқаро шартномалар тузиш турисида белгиланган тартибда таклифлар киритади, Ўзбекистон Республикасининг халқаро шартномалари лойиҳаларини тайёрлашда қатнашади ҳамда Вазирлар Маҳкамаси топшириғига биноан, курсатиб утилган шартномаларни имзолайди;

интеллектуал мулк объектларини хукуқий муҳофаза қилиш ва уларга бÿлган ҳуқуқларни ҳимоя қилиш соҳасида тегишли ҳалқаро, минтақавий ва ҳорижий ташкилотлар билан музокаралар олиб боради, белгиланган тартибда идоралараро шартномалар тузади;

хорижий патент идоралари, халқаро, минтақавий ва хорижий ташкилотлар билан патент хужжатлари ва патентга оид хуқуқий адабиётларни халқаро айирбошлашни амалга оширади, интеллектуал мулк объектларини хуқуқий муҳофаза қилиш ва уларга булган хуқуқларни ҳимоя қилиш соҳасидаги чет эл тажрибасини урганиш ва ундан фойдаланишни ташкил қилади;

интеллектуал мулк соҳасида халқаро ҳамкорликни белгиланган тартибда амалга оширади, ушбу ҳамкорлик доирасида интеллектуал мулк объектларини ҳуқуқий муҳофаза қилиш ва уларга булган ҳуқуқларни ҳимоя қилиш масалалари буйича ҳалқаро ва минтақавий ташкилотлар ишида қатнашади;

Ўзбекистон Республикасининг тегишли халқаро шартномаларидан келиб чиқадиган мажбуриятларнинг бажарилишини ўз ваколатлари доирасида таъминлайди.

#### IV. Агентликнинг хукук ва мажбуриятлари

11. Агентлик ўзига юкланган вазифалар ва функцияларни бажариш учун күйидаги хукукларга эга:

давлат органлари, нодавлат нотижорат ва бошқа ташкилотлар, мансабдор шахслардан зарур ахборотлар, ҳужжатлар ва материалларни белгиланган тартибда сÿраш ва олиш;

интеллектуал мулк объектларини хуқуқий муҳофаза қилиш ва уларга булган ҳуқуқларни ҳимоя қилиш соҳасидаги қонун ҳужжатлари бузилишлари тӱгрисида судга даъво аризаси билан мурожаат қилиш;

ихтирочилик ва ижодиётнинг бошқа турлари соҳасидаги улкан ютуқлар учун Ўзбекистон Республикасининг фахрий унвонларини бериш тўгрисида белгиланган тартибда таклифлар киритиш;

ихтиролар, фойдали моделлар, саноат намуналари, селекция ютуклари, товар белгилари, хизмат кўрсатиш белгилари, товарларнинг келиб чикиш жойлари номи, интеграл микросхемалар топологияси юзасидан буюртманомаларни кўриб чикиш ва давлат экспертизасидан ўтказиш учун зарур бўлган қўшимча материалларни буюртмачилардан белгиланган тартибда сўраш;

интеллектуал мулк объектлари юзасидан буюртманомаларни кўриб чикиш билан боглик масалаларнинг муҳокамасини ташкил этиш ва ўтказиш, кўрсатиб ўтилган масалаларни кўриб чиқишда қатнашиш учун буюртмачиларни ва уларнинг вакилларини таклиф этиш;

белгиланган тартибда ноширлик фаолиятини амалга ошириш, интеллектуал мулк соҳасидаги илмий-методик ва ахборот материалларини, даврий нашрларни ҳамда бошқа матбаа маҳсулотларини чоп этиш ва тарқатиш;

интеллектуал мулк объектларини хукукий мухофаза килиш ва уларга бÿлган хукукни химоя килиш билан боғлик масалаларни хал этиш учун мамлакатимиздаги ва хорижий мутахассисларни шартнома асосида жалб этиш;

бюджетдан ташқари маблағлар жамғармаларини қонун хужжатларида белгиланган тартибда шакллантириш;

ўз ходимларини ижтимоий мухофаза қилиш чора-тадбирларини амалга ошириш.

Агентлик қонун ҳужжатларига мувофиқ бошқа ҳуқуқларга ҳам эга булиши мумкин.

12. Агентлик ўз ваколатлари доирасида вазирликлар, давлат қумиталари, идоралар, махаллий давлат ҳокимияти органлари, бошқа ташкилотлар, мансабдор шахслар ва фукаролар учун мажбурий булган норматив-ҳуқуқий ҳужжатлар қабул қилади.

Агентлик, зарур холларда, бошқа вазирликлар, давлат қумиталари ва идоралар билан биргаликда қушма қарорлар ва бошқа хужжатлар чиқаришга ҳақлидир.

#### 13. Агентлик:

ўз зиммасига юкланган вазифалар ва функцияларнинг самарали бажарилиши;

ихтиролар, фойдали моделлар, саноат намуналари, селекция ютуклари, товар белгилари, хизматлар курсатиш белгилари, товарларнинг келиб чикиш жойлари номи, интеграл микросхемалар топологиялари буйича буюртманомаларни давлат экспертизасидан утказишнинг уз вактидалиги, сифати ва махфийлиги;

бюджет маблағларидан ва патент божлари ундириш маблағларидан, асарларни ва турдош ҳуқуқлар объектларини руйҳатдан ўтказганлик учун тулов тушумларидан ҳамда Агентлик тасарруфида қоладиган бошқа носолиқ туловлардан мақсадли фойдаланилиши юзасидан жавоб беради.

#### V. Агентлик фаолиятини ташкил этиш

14. Агентликка Ўзбекистон Республикаси Президенти қарори билан лавозимга тайинланадиган ва лавозимдан озод қилинадиган Бош директор (кейинги ўринларда Бош директор деб аталади) бошчилик қилади.

Бош директорнинг белгиланган тартибда Ўзбекистон Республикаси Вазирлар Маҳкамаси томонидан лавозимга тайинланадиган ва лавозимдан озод қилинадиган икки нафар ўринбосари, шу жумладан бир нафар биринчи ўринбосари бўлади.

#### 15. Бош директор:

Агентлик фаолиятига умумий рахбарлик қилади ҳамда Агентликка юкланган вазифалар ва функцияларнинг бажарилиши учун шахсан жавоб беради;

Агентлик тузилмасига ходимларнинг умумий сони доирасида ўзгартиришлар киритади, Агентликнинг штатлар жадвалини, шунингдек харажатлари сметасини тасдиклайди;

Агентликнинг таркибий булинмалари тургисидаги низомларни тасдиклайди;

Агентлик ходимларининг лавозим вазифаларини тасдиклайди;

Агентлик ходимларини белгиланган тартибда лавозимга тайинлайди ва лавозимдан озод килади;

ўз ваколатлари доирасида Агентлик ходимлари томонидан бажарилиши мажбурий бўлган буйруқлар, фармойишлар ва йўрикномалар чикаради, кўрсатмалар беради;

республикада ва чет давлатларда Агентлик манфаатларини ифодалайди. Бош директор қонун хужжатларига мувофик бошқа ваколатларни ҳам амалга оширади.

16. Агентликда Бош директор (хайъат раиси), унинг ўринбосарлари

(лавозимига кўра), шунингдек Агентлик фаолиятининг асосий йўналишларини мувофиклаштирувчи таркибий бўлинмалари рахбарларидан иборат таркибда ҳайъат ташкил этилади.

Хайъатнинг аъзолари сони ва шахсий таркиби Бош директор такдимномасига биноан Ўзбекистон Республикаси Вазирлар Махкамаси томонидан тасликланали.

Хайъат қуйидагилар билан боғлиқ масалаларни куриб чиқади:

Агентлик фаолиятининг интеллектуал мулк объектларини хукукий мухофаза килиш ва уларга бўлган хукукларни химоя килиш сохасида ягона давлат сиёсатини янада такомиллаштириш ва амалга ошириш бўйича ушбу Низомда белгиланган асосий йўналишларини тайёрлаш ва амалга ошириш;

инновация технологиялари ва ихтиролар, илмий-техника, саноат ишланмалари, селекция ютуклари, бадиий-конструкторлик ва ижодиёт ишларининг бошка турларини яратиш, ривожлантириш ва кенг жорий этишга кумаклашиш:

Агентлик номенклатурасига кирадиган лавозимларга кадрларни танлаш, жой-жойига қуйиш, тайёрлаш ва қайта тайёрлаш;

Ўзбекистон Республикаси Президентининг фармонлари, қарорлари ва фармойишларида, Ўзбекистон Республикаси Вазирлар Маҳкамаси қарорлари ва фармойишларида белгиланган вазифаларни амалга ошириш буйича ижро интизомини мустаҳкамлаш, уларнинг ўз вақтида ва сифатли амалга оширилишини таъминлаш юзасидан Агентлик раҳбарлари ва ходимларининг шаҳсий жавобгарлигини ошириш.

Хайъат Агентлик ваколатига тааллуқли бошқа масалаларни ҳам кўриб чиқиш ҳуқуқига эга.

Хайъат мажлисига Агентлик ваколатига кирадиган масалалар буйича бошқа вазирликлар, давлат қумиталари, идоралар, маҳаллий давлат ҳокимияти органлари ва бошқа ташкилотлар раҳбарлари таклиф этилиши мумкин.

Хайъат унинг мажлисида таркибининг ярмидан купи қатнашган тақдирда ваколатли булади. Куриб чиқилаётган масалалар буйича қарорлар оддий купчилик овоз билан қабул қилинади.

Xайъат қарорлари Бош директорнинг буйруқлари билан амалга оширилади.

Бош директор ва ҳайъат аъзолари ўртасида келишмовчиликлар пайдо бўлган такдирда, Бош директор пайдо бўлган келишмовчиликлар тўгрисида Ўзбекистон Республикаси Вазирлар Маҳкамасига ахборот берган ҳолда, мустақил равишда қарор қабул қилади. Ҳайъат аъзолари ҳам ўз фикр-мулоҳазаларини Ўзбекистон Республикаси Вазирлар Маҳкамасига ёзма шаклда маълум қилишлари мумкин.

 Хайъат фаолияти тартиби унинг хайъат тасдиклайдиган регламентида

 белгиланали.

17. Агентликда ихтиролар, фойдали моделлар, саноат намуналари, селекция ютуклари, интеграл микросхемалар топологиялари, товар белгила-

ри, хизмат кўрсатиш белгилари, товарнинг келиб чиқиш жойлари номини хукукий мухофаза қилиш билан боғлиқ апелляцияларни, шунингдек товар белгиларини Ўзбекистон Республикасида умумий эътироф этилган деб тан олиш тўгрисидаги аризаларни судгача кўриб чиқиш учун Апелляция кенгаши тузилади.

Апелляция кенгаши таркибига Бош директор, унинг ўринбосарлари, Агентликнинг энг малакали ва тажрибали ходимлари, шунингдек интеллектуал мулк сохасидаги мустақил олимлар ва мутахассислар киради.

Ўзбекистон Республикаси Интеллектуал мулк агентлигининг Апелляция кенгаши тўгрисидаги Низом Ўзбекистон Республикаси Вазирлар Маҳкамаси томонидан тасдиқланади.

18. Интеллектуал мулк объектларини хуқуқий мухофаза қилишнинг мухим масалалари буйича муаммоларни илмий таҳлил қилиш, куриб чиқиш ва тавсиялар ишлаб чиқиш учун Агентликда унинг юқори малакали ходимларидан, шунингдек давлат ва хужалик бошқаруви органлари, корхоналар ва ташкилотлар вакиллари, интеллектуал мулк соҳасидаги етакчи олимлар ва мутаҳассислардан Илмий-техника кенгаши тузилади.

Илмий-техника кенгаши тўгрисидаги Низом ва унинг шахсий таркиби Агентлик бош директори томонидан тасдикланади.

19. Давлат ва хужалик бошқаруви органлари, корхоналар ва ташкилотлар рахбарлари ва ходимларини, таълим муассасаларининг укитувчилар таркибини, патент соҳасидаги ваколатли ходимларни, тадбиркорлик субъектларини ва интеллектуал мулк соҳасидаги бошқа манфаатдор шахсларни укитиш, қайта тайёрлаш ва уларнинг малакасини ошириш мақсадида Агентлик ҳузурида Интеллектуал мулк соҳасидаги кадрларни қайта укитиш ва мутахассислар малакасини ошириш буйича укув маркази ташкил этилади.

Интеллектуал мулк соҳасидаги кадрларни қайта ўқитиш ва мутахассислар малакасини ошириш бўйича ўкув маркази тўгрисидаги низом Агентлик бош директори томонидан тасдиқланади.

20. Агентликни қайта ташкил этиш ва тугатиш қонун ҳужжатларида белгиланган тартибда амалга оширилади.

Вазирлар Маҳкамасининг 2011 йил 8 июндаги 166-сон қарорига 2-ИЛОВА

#### Узбекистон Республикаси Хукуматининг ўз кучини йўқотган деб хисобланаётган қарорлари рўйхати

1. Вазирлар Маҳкамасининг «Ӱзбекистон Республикаси Давлат патент идораси фаолиятини ташкил этиш тӱғрисида» 2002 йил 14 июндаги 209-сон қарорининг (Ӱзбекистон Республикаси ҚТ, 2002 й., 6-сон, 32-модда) 1-банди ҳамда қарорга 1 ва 2-иловалар.

- 2. Вазирлар Махкамасининг «Ўзбекистон муаллифлик хукукини химоя килиш республика агентлиги фаолиятини такомиллаштириш тўгрисида» 2004 йил 16 июндаги 286-сон карори (Ўзбекистон Республикаси ҚТ, 2004 й., 6-сон, 58-модда).
- 3. Вазирлар Маҳкамасининг «Ўзбекистон Республикаси Хукуматининг айрим қарорларига ўзгартириш ва қўшимчалар киритиш тўгрисида («Товар белгилари, хизмат кўрсатиш белгилари ва товар келиб чиққан жой номлари тўгрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги Ўзбекистон Республикасининг 2007 йил 19 сентябрдаги ЎРҚ—111-сонли Қонуни) 2008 йил 7 майдаги 89-сон қарорига (Ўзбекистон Республикаси ҚТ, 2008 й., 5-сон, 16-модда) илова 1-бандининг 1-кичик банди.
- 4. Вазирлар Маҳкамасининг «Ўзбекистон Республикаси Ҳукуматининг вазирликлар, давлат қумиталари ва идоралар турисидаги низомларни тасдиқлаш буйича қарорларига узгартириш ва қушимчалар киритиш ҳақида» 2010 йил 5 июндаги 108-сон қарорига (Ўзбекистон Республикаси ҚТ, 2010 й., 6-сон, 27-модда) илованинг 21 ва 43-бандлари.